

[Txotx denboraldia](#)

Sagardoa ez ezik, sagarraren uzta garaia ere gozagarri

Kronika - Erredakzioa 2022-01-22 00:00



Sagar muztioaren elaborazio prozesu osoa burutzeko aukera daukate familiek. Argazkia: Sagardoaren Lurraldea

Orain da sagardo berria dastatzeko garaia, baina urte osoan zehar eskaintzen du Sagardoaren Lurraldeak sagardoaren kulturen murgiltzeko aukera. Horretarako, adibidez, Udazken Zaporez ekimena jarri zuten martxan: esperientziak, tailerrak edota bisitak, sagarraren uzta garaia ezagutu eta gozatzeko, familian bereziki.

Urtarrilarekin batera, hilabete bereziak hasten dira, sagardogile zein sagardozaleentzat. Sagardo berria dastatu eta sagardotegiko menuaz eta giroaz gozatzeko garaia da batzuentzat, eta hilabetetako lanaren emaitza kupelatik atera eta edalontzietan talka egiten ikustekoa, besteentzat. Tradizionalki, txotx denboraldiarekin lotu da sagardotegira joateko esperientzia, eta bertako, estatuko zein nazioarteko milaka bisitari hurbildu ohi dira sagardotegietara.

Baina hilabete hauetan bakarrik ez, urte osoan zehar dago aukera, sagardoaren kulturen murgiltzeko. Gero eta gehiago dira urte osoan zehar atek zabalik dauzkaten sagardotegiak, eta sagardoaren kulturarekin lotuta, eskaintza turistikoaz ere urte osoan gozatu daiteke. Eskaintza zabala dauka Sagardoaren Lurraldeak horretarako, eta mota guztietako ekintzak jartzen ditu herritarren eskura, familian, lagunartean edo bikotearekin gozatzeko.

Udazkenak ematen du horretarako aukera bikaina. Sagarraren uzta garaia da, sagarrondoak eta haien itzalpeko belazeak fruituz beteta ageri direnekoa. Eta horretaz goatzera gerturatzen dira bisitari ugari, gero eta gehiago. Izan ere, uzta garaia eta sagardoaren kultura ezagutzeko, proposamen ugari prestatzen ditu Astigarragako Sagardoetxeak: familientzako tailerrak, ikastaroak, eta kultura, gastronomia eta kirola uztartzen dituzten esperientzia turistikoak.

Muhtioa familian egiteko aukera, sagarraren uzta garaian

Horietako bat da Udazken Zaporez ekimenaren barruan prestatzen duten tailerra, urriko asteburuetan. Muhtioaren elaborazio tailerra eskaintzen diete familiei, prozesu osoa gertutik ezagutu eta beraiek burutu ahal izateko. Horrela, familian joaten dira sagastira, eta sagar mota ezberdinak dastatu ondoren, elaborazio lanei ekiten diete, pausoz pauso. Haurrek zein helduek, kizkiarekin biltzen dituzte sagarrak, banan-banan; eta pisoiekin txikitu eta prentsatu egiten dute.

Horrela lortzen dute beraiek egindako muhtioa, sagar uzta berriarekin egindako aurreneko edaria, txotx denboraldia hasi baino hilabete batzuk lehenago. Eta baita dastatu ere, egin berritan! Gainera, behin elaborazio prozesua bukatuta, bere muhtioarentzako etiketa bat prestatzen du familia bakoitzak, eta sagar muhtioa botilaratuta, bere etiketatxoarekin eramango du etxera, sagarraren uzta garaiaz gozatzeko jarraitzeko.

Muhtioaren elaborazio tailerraz gain, bestelakoak ere izaten dira udazkenean. Esate baterako, etxeko sagardoa, sagar dultzea eta sagar deshidratatua egiteko ikastaroak ere antolatzen dituzte, bertakoentzat zein bisitariarentzat. Eta hainbat



esperientzia turistikoa ere bai: Sagarbike, Chillida eta sagardoaren kultura, Sagardoa eta itsasoa, Sagardoa eta gazta, Astigarraga ezagutuz... Horiei buruzko informazioa, Sagardoaren Lurraldearen webgunean dago eskuragarri: sagardoarenlurraldea.eus.



'Sagarbike' esperientzia ere badago aukeran. Argazkia: Sagardoaren Lurraldea

[Kultura](#)

Kronika egunero, euskaraz eta doan jasotzen segi ahal izateko, Kronikalari gehiago behar dira, eta zer esanik ez, proiektu komunikatibo sendo eta profesional bat garatu nahi badugu.

Egin zaitez Kronikalari!

Erantzun ▼



Asfaltatze lanak bihurtu dira...
...aurreko eguneko...



Antton Jelleria bihar, Biterin...



Adinekoen egoitzetako langileak grebara deitu dituzte gaur




Iñaki Sanz-Azkar, saritua, Bizenta Mogel lehiaketan

Ikusienak



[«Baserriaren jardueraren jarraipena, epe ertain luzean, arriskuan dago»](#)

Kronika - Erredakzioa
ots 16, 00:00
[Astigarraga](#)



[Istripua izan da A-15 errepidean, Karabel parean](#)

Kronika - Erredakzioa
ots 17, 09:15
[Hernani](#)



[Hartubol desafioa ikasle eta helduen artean](#)

Kronika - Erredakzioa
ots 17, 00:00
[Hernani](#)



[Gizon baten bila dabilta Hernani eta Iruñean](#)

Kronika - Erredakzioa
ots 16, 19:57
[Hernani](#)



[Ander Martin hernaniarra, Alemaniako partidurako deialdian](#)

Kronika - Erredakzioa
ots 16, 18:59
[Hernani](#)



[Hernani Burujabek azoka antolatu du, larunbat honetarako, bederatzi posturekin](#)

Kronika - Erredakzioa
ots 17, 00:00
[Hernani](#)

[Dobera Euskara Elkarte](#)

Larramendi kalea 11, Hernani

Tel.: 943 33 08 99 · 688 660 714 · [kronika\[ABILDUA\]kronika.eus](#)



Codesyntaxek garatua



[HONI BURUZ](#)

[LEGE OHARRA](#)

[PUBLIZITATEA](#)

[ARAUAK](#)

[HARRERMANETARAKO](#)

[RSS](#)



Gertuko informazioa, euskaraz

[AIARALDEA](#) [AIKOR](#) [AIURRI](#) [ALEA](#) [AMEZTI](#) [ANBOTO](#) [ANTXETA](#) [ATARIA](#) [BALEIKE](#) [BARREN](#) [BEGITU](#)

[DEUSTUALDEA PREST](#) [ERLO TELEBISTA](#) [ERRAN](#) [EUSKALERRIA IRRATIA](#) [GEURIA](#) [GOIENA](#) [GOIERRI TELEBISTA](#) [GUAIXE](#) [HIRUKA](#)

[KARKARA](#) [KRONIKA](#) [MAILOPE](#) [MAXIXATZEN](#) [NOAUA](#) [OIZMENDI TELEBISTA](#) [PLAENTXIA](#) [TXINTXARRI](#) [URIOLA](#) [UZTARRIA](#)

[28 KANALA](#)

[Gurean](#) [Plazanbazan](#) [Itap](#)

[Tokikom publizitatea](#)